

南州草堂詞話

詞話

七頌堂詞繹

樂府古題要解



2124  
12682

60409

南  
州  
草  
堂  
詞  
話

徐  
鈞  
編

中  
華  
書  
局

南州草堂詞話

此據學海類編本  
排印初編各叢書  
僅有此本

# 南州草堂詞話卷上

清 松陵徐 鈞電發編

鬢芝麓尙書與橫波夫人月夜汎舟西湖。作醜奴兒令四闋。自序云。五月十四夜。湖風酣暢。月明如洗。繁星盡斂。天水一碧。偕內人繫艇子於寓樓下。剝菱煮芡。小飲達曙。人聲既絕。樓臺燈火。周視悄然。惟四山蒼翠。時時滴入杯底。千百年西湖。今夕始獨爲吾有。徘徊顧戀。不謂人世也。酒語情恬。因口占四調以紀其事。子瞻云。何地無月。但少閒人。如吾兩人。子則謂何地無閒人。無事尋事。如吾兩人者。未易多得。爾詞云。一湖風漾。樓月涼滿。人閒我與青山冷。濟相看不等閒。藕花社榜疏狂約。綠酒朱顏放進。嬋娟今夜。紗窗可忍。關又云。木蘭掀蕩。波光碎。人似乘潮。何處吹簫。輕逐流螢。畫橋白鷗。睡熟金鈴悄。好是蕭條。多謝雙高折。簡明宵不用招。又云。情癡每與銀蟾約。見了銷魂。爾許溫存。領受嫦娥一笑。恩戲拈梅子橫波打。越樣心癡。和月須吞。省得濃香不閉門。又云。清輝依約雲鬢綠。水作菱花。蘇小天斜。不見畱人駐。晚車湖山符牒誰能管。讓與天涯。如此豪華。除卻芳樽一味賒。雙高謂南。北高峯也。

葉天寥虞部半不軒畱事云。僊僊十三四時。卽羈迹秦淮。將有錦江玉壘之行。遠望故鄉。淒心掩泣。眞所云侯門一入深如海也。余甚傷焉。今年十七。又作巫山神女向楚王臺。下去矣。酒閒聞之。悵然感懷。口占浣溪沙二詞云。一片歸心望也休。西陵千里水東流。杜鵑芳草楚天秋。老去未消風月恨。閒來重結雨雲

愁欲緘雙淚寄亭州。又金粉傷情別石頭。六朝烟柳繫離憂。破瓜人泣仲宣樓。桃葉渡邊春易去。梅花笛裏夢難留。子規斜月一悠悠。

俞琬綸製桂枝香古鏡詞贈女史顧文英。琬綸自序云。文英善書。以碧絲作小行楷。繡之鏡囊。遺所歡。後有人獨二千金娶之。未幾英死。一夕予夢英相對如常。謝此詞。予曰。殊悔有架罷殘粧二語。遂爲卿識。英曰。此亦竊疑之。愛其佳。不請易耳。其詞云。張郎一去。君且代郎看。雙蛾解理。贈別躊躇。不忍把君分碎。問容顏。君獨知憔悴。受多磨。與君無異。廣寒三五。嬌娥愁向。缺圓自己。晴空裏。似丹青點綴。箇中小小洞天。深處背地沈迷。形影都無據。憐君白爲分明累。貯盡了漢宮人淚。架罷殘妝。瞥然收卻。遠山橫翠。

吳祭酒作秣陵春。一名雙影記。宵寒夜命小鬢歌演。自賦金人捧露盤詞云。記當年曾供奉舊霓裳。歎茂陵遺事淒涼。酒旗戲買花簪帽。一春狂。綠楊池館。逢高會。身在他鄉。喜新詞初填就。無限恨。斷人腸。爲知音子細思量。偷聲減字。畫堂高燭弄絲簧。夜深風月。催檀板。願曲周郎。時祭酒將復出山。晉江黃東崖詩云。徵書鄭重眠餐損。法曲淒涼涕淚橫。正謂此詞也。祭酒又自題一律云。詞客哀吟石子岡。鷓鴣清怨月如霜。西宮舊事餘殘夢。南內新詞總斷腸。漫溼青衫陪白傅。好吹玉笛問甯王。重翻天寶梨園曲。減字偷聲柳七郎。

楊卯君字雲和。沈君善之側室。工于描佛。名流多題詠之作。君善輯針史行世。其女關關。字宮音。尤能出新意。所繡山水人物。無不精絕。嘗墨繡顧茂倫濯足圖。尤悔菴題漁家傲一闕。其詞云。我夢吳江烟水皺。

綸平擬挂垂虹口不道逋翁濯足久枕且漱滄浪一曲天如斗深院玉人閒譜繡粉香妙寫溪山友宛轉  
綵絲盤素手林下秀小名獨占毛詩首

廣陵有老儒孿生二女子娟娟相倚雅好文墨幼時竝處不能辨以香炙面爲識戊戌年詛傳掖庭之選  
倉卒歸二少年一居城一居湖中嫁同日後皆有娠復同病而卒閨再彭齡賦漁家傲詞弔之云畫鎖紗  
窗縈碧霧瓊花自是無雙樹竝蒂嬌姿無解語經行處花鈿暗識修眉嫵畫閣肩垂朝復暮閒情時咏遊  
憇句奔月化烟畱不住天風度飛瓊自挽雙成去詞載倚聲集人多傳之

紅橋在平山堂法海寺之側王貽上司理揚州日與諸名士遊燕酒閒小有倡酬江南北頗流傳之于是  
過廣陵者多問紅橋矣司理在紅橋賦浣溪沙云北郭清溪一帶流紅橋風物眼中秋綠揚城郭是揚州  
可望雷塘何處是香魂零落使人愁澹烟芳草舊迷樓茶村杜濬和云六月紅橋漲欲流荷花荷葉幾時  
秋誰翻水調唱涼州更欲放船何處去平山堂上古今愁不如歌吹十三樓淮陰邱象隨和云清淺雷塘  
水不流幾聲寒笛畫城秋紅橋猶自倚揚州五夜香昏殘月夢六宮釵落曉風愁多情烟樹戀迷樓後陽  
羨陳維棹賦紅橋詩云輕紅橋上立逡巡綠水微波漸作鱗手把柳絲無一語十年春恨細如塵又一帶  
蕪城織野烟三春板渚亂寒田傷心踏到平山路不獨江南事可憐又雨餘垂柳鴨頭綠日落吳天卯色  
紅絕似儂家霽畫裏幾層春水幾層風余亦有紅橋絕句云酒樓楊柳碧絲絲惱煞紅衣舞柘枝畱得狂  
名偏薄倖至今猶說杜分司又轉過春宿使板橋船窗草開雨瀟瀟蕪城一片寒烟織流水何人問六朝

人多誦之。附錄阮亭遊記略云。出鎮淮門。循小秦淮。折而北。彼岸起伏多態。竹木蒼鬱。清流映帶。人家多因水爲園。亭榭溪塘。幽窈而明瑟。頗盡四時之美。擊小艇循河西北行。林木盡處。有橋宛然。如垂虹下飲于湖。又如麗人靚妝。袞服。流照明鏡中。所謂紅橋也。遊人登平山堂。率至法海寺。捨舟而陸。徑必出紅橋下。橋四面皆人家。荷塘六七月閒。菡萏作花。香聞數里。青濼白舫。絡繹如織。良謂勝游矣。

秦淮卞賽。小字玉京。桃葉名姬也。後爲女道士。吳祭酒琴河感舊詩。有青山憔悴卿憐我。紅粉飄零我憶卿之句。不勝樓頭燕子。山上蘼蕪之感。彭城萬年少壽祺賦。眼兒媚贈之云。花弄香紋春滿樓。桃葉引江流。箇人何事。斜陽獨倚。曲曲腸柔。垂簾淡淡。撲撲楊毳。私心好處。投侍兒。斂態。閉門作意。不上金鈎。蓋記其少年情事。猶覺風韻可人。

葉天寥治史云。沈智瑤。內人季妹也。鸚吹五君詠。珠暉映月流。玉彩迎花度。可以想見風格矣。有詩刻彤匱。續些年三十餘。以怨恨自沈于水而死。姪婦蘭支。其內姪女也。有詞哭之。調寄水龍吟云。水晶深處瓊樓。湘風半捲。蛟綃綉。桂旗翠陌。平沙碧草。瑤天烟煖。寶柱哀絃。曲終人杳。晚江清淺。奈芳菲極目。雲霞未賞。都情靈妃遊伴。寂寞楚山高遠。夜半猿聲。淚痕滿鏡。消菱月。釵沈蘭霧。雲時分散。恨逐波香。愁隨浪影。一天幽渺。歎銷魂正是。白蘋黃葉。暮鴻淒斷。

沈宜修宛君。天寥夫人也。三女。紈紈。小紈。小鸞。皆工詩詞。有午夢堂集數種。曰昔和疑有句云。春思翻教阿母疑。余以爲破瓜之年。亦何須疑。直是嘗信耳。因作問疑詞云。芳草青歸。梨花白潤。春風又入昭陽鬢。

繡窗日靜綺羅開。金鈿二八人如蕘。碧字題眉。細香寫鬢。青鸞玉線裙榴。襖若教阿母不須疑。妝臺試向飛瓊問。

天寥又云。侍女隨春。年十三四。卽有玉質。肌凝積雪。韻彷彿幽花。笑盼之餘。風情飛逗。瓊章極喜之。爲作浣溪沙詞云。欲比飛花態更輕。低回紅頰背銀屏。半嬌斜倚似含情。噴帶淡霞籠白雪。語偷新燕怯黃鸞。不勝力弱懶調箏。昭齊和云。翠黛新描桂葉輕。柳枝婀娜倚蓮屏。風前閒立不勝情。細語嬌誦噴亂蝶。清曠淚粉怨殘鶯。日長深院惱秦箏。薰綢和云。髻薄金釵半蟬輕。伴羞微笑隱湘屏。嫩紅染面作多情。長怨曲欄看鬪鴨。憤噴南陌聽啼鶯。月明簾下理瑤箏。宛君和云。袖惹飛烟綠雨輕。翠裙拖出粉雲屏。飄殘柳絮暗知情。千喚懶回拋繡鷓。半含微吐澀新鶯。噴人無賴戛風箏。諸詞俱用噴字。以此女善噴。嘗而發赤也。宛君又有長愛嬌噴人不識。水剪雙眸欲滴之句。余亦作二闕云。初總銀篦攏鬢輕。添香朝拂美人屏。生來面腴自風情。淺癖翠分明。月雁小檀黃入曉春。鶯故憐斜撥學新箏。紅袖垂雙旖旎輕。闌干閒倚杏花屏。半將噴語寄深情。金釧粉痕香畫鳳。玉釵脂膩滑流鶯。坐來簾下卽彈箏。

按隨春一名紅子。葉小鸞侍妾也。鸞歿後歸龐氏。別字元元。龐蕙纒有病中閒家慈同元媛爲予誦經誌感。鷓鴣天云。終歲歷歷往還。益益兩袖淚痕濟。一心解織愁千縷。雙鬢慵梳月半彎。鴛鴦被冷。瑣窗寒。翻經畫閣儼紅顏。枕函稽首殷勤意。不盡題箋寄小鸞。見林下詞選。

柳亭沈通聲。豐垣。任情縱誕。中年因所歡遂被放黜。嘗賦踏莎行一闕。亦惜分飛遺意也。其自序云。星移



物換人世皆虛。梗逝蓬飄。吾生靡定。是以求仙學佛。羣笑爲迂。飲酒被執。元非過激。聊蟄龍而伸螭。或呼馬以應牛。僕本有情。兼遭多難。秋風大澤。情殊屈子之悲。春水橫橋。恨學尾生之信。雙珠待握。一劍驚飛。王孫之草徒芳。姊妹之花半死。天高離恨。總喚奈何。鄉老溫柔。翻爲醉夢。伴狂自廢。啼則襟袖多淹。倘恍如癡。笑則冠纓欲絕。然而佳人不再。淑儷難雙。未曾斷稱。蓮復生心。縱是枯楊。絮還惹恨。但使小家碧玉。終嫁汝南。趙國才人。不歸廝養。則雖華門陋巷。敵金屋之繁華。泌水流泉。勝瓊漿之雋永。夜窺石鏡。朝起藁牀。甯懷頓鼻之慚。豈下牛衣之泣。無如薄命。空復多愁。腸無瓶綆。侵曉還牽。腹有車輪。何時不轉。書空靡益。說鬼偏宜。且寄興于小詞。卽徵歌于長恨。詞曰。積雨埋紅。沈烟漾碧。小樓春信。催寒食。踏青鬪草。總無心。自家憔悴。誰憐惜。枉裂香羅。虛勞黛筆。東風笑殺多情客。瑤琴元不是知音。一牀夜月。吹羌笛。

歌者張郎。今日之秦青也。王子春暮。譙集于宋荔裳觀。察京師寓園。張後至。合肥宗伯賦蝶戀花詞云。春絆情絲千縷。縵夢裏人來。乍暖輕風。節何處。玉驄曾小歇。海棠飄落胭脂雪。重倩紅牙溫舊闋。張緒風前。好是腰身絕。樓閣水明光。四徹羅衣影。漾波心月。又送張還廣陵云。紅淚一巾心百纈。春盡纔逢。剛過蕙蒲筍。懊恨子規啼不歇。生催就雙蓬雪。莫聽陽關朝雨闋。禁得年年。腸爲分斷絕。芳草粘天難望徹。杏花人面揚州月。又代張閨情云。綵線鴛鴦愁暗纈。花雨新添。水暖銀塘節。燕子穿簾飛又歇。冰紈襯貼芙蓉雪。悶倚玉簫吹半闋。報道人歸。喜極還噴絕。別後心情明鏡徹。日長捱到如年月。又陪苑烟花羅綺纈。小別重圓。交代歡愁節。腸轉車輪輪始歇。夢回關塞沙如雪。爲問歡場歌幾闋。比竝雙蛾。畫就誰嬌絕。天

欲爲人須爲徹。一生長似團圓月。長安諸公爭裂素執書之。于是紅牙檀板中都唱此詞。

朱錫鬯彝在代州。與妓小字白狗者狎。一日晚往訪之。不值。戲投一詞云。疏籬月影纔鋪地。卻早被金鈴

喚起。朝雲一片出巫山。盼不到黃牛峽裏仙源。乍入重門閉。任閒殺桃花春水。劉郎自去阮郎歸。算只有

相如伴。你蓋步蟾宮調也。錫鬯天才踴厲。詩文膾炙海內。填詞與柳七黃九爭勝。葉元禮嘗作駢體文序

之。綴以絕句云。鴛鴦湖口推朱十。代北汶西詞客哀。弄墨偶然工小令。人開腸斷賀方回。

京師舊俗。婦女多以元宵一夜出遊。名走橋。摸正陽門釘。以祓除不祥。亦名走百病。予向欲填一詞記之。

近見青城集中木蘭花令。正咏此也。句頗雅麗。詞云。元宵昨夜嬉遊路。今夕還從橋下去。名香新暖繡羅

襦。翠帶低垂金線縷。回頭姊妹多私語。魚鱗沈沈纖手拄。釵橫鬢輝影參差。一片花光無處所。善魏子存

著

海甯陳相國夫人徐燦。字湘蘋。有燕京元夜詞云。華燈看罷移香屣。正御陌遊塵絕。素裳粉袂玉爲容。

人月都無分別丹樓雲淡。金門霜冷。纖手摩挲怯。三橋宛轉凌波。踏翠黛。低回說年年長向鳳城遊。

會望慈珠宮闕。星橋雲爛。火城日近。踏徧天街月。

淮陽柳敬亭。以淳于滑稽之雄。爲左甯南重客。甯南沒于九江舟中。柳生先期東下。憔悴失路。垂老客于

長安。龍松先生贈賀新郎詞云。鶴髮開元叟也。來看荆高市上。賣漿屠狗。萬里風霜吹短褐。遊戲侯門趨

走卿。與我周旋良久。綠鬢紅顏。今盡改。歎婆娑人似桓公。柳空聲碎。唾壺口。江東折戟沈沙。後過青溪笛

牀烟月淚珠盈斗老矣耐煩如許事且坐旗亭呼酒拚殘臘消磨紅友花壓城南韋杜曲問毬場馬稍還  
能否斜日外一回首又賦沁園春云驕騎將軍異姓諸侯功名壯哉乍南樓傳箭大航風鶴中流搖櫓溢  
浦蒿萊片語回春千金逃賞遮客長刀玩弄來堪憐處有恩門一涕青史難埋偶然座上嘲談博黃綰新  
詞七步才似籌兵北府碧油晨啓把碁東閣屐齒宵陪春水方生吾當速去老子遨遊頗見哀相攜手盡  
山川六代簫鼓千杯聽恩門一涕之語直是敬亭知己

出湧金門沿湖爲錢王祠免葵燕麥瓦礫荆榛瓣香嘗絕余過而感之題滿江紅一闕于壁上云電馬霜  
戈馳江上怒濤始歇誇保障并吞割據韓彭比烈寂寞幾堆羊虎石淒涼一片銅駝月憶白鹽擔裏是何  
人關情切故宮內餘殘雪荒廟裏靈旗滅笑宋家南渡金甌也缺五國未曾生馬角五王莫漫啼鴿血算  
原來天道好循環悲雙闕亦陳橋驛孤兒寡婦久假當還意也

葉元禮舒崇客西冷遇雲兒于宋觀察席上一見留情時尙未破瓜也雲兒居孤山別墅密簡相邀訂終  
身焉別五年復至湖頭則如採雲飛散不可蹤跡矣元禮撫今追昔情不自禁援筆賦浣溪沙四闕云仿  
佛清溪似若耶底須惆悵怨天涯青驄繁處是儂家生小畫眉分細繭近來綰髻學靈蛇妝成不耐合歡  
花又柳暖花寒懊惱時春情脈脈倩誰知廉纖香雨正如絲團就鏡臺烏鰂墨寄來江上鯉魚詞此生有  
分是相思又潛背紅窗解珮遲銷魂爾許月明時羅裙消息落花知蝶粉蜂黃拚付與淺顰深笑總難知  
教人何處懺情癡又斗帳脂香夜半侵幾番絮語夢難尋清波一樣淚痕深南浦鶯花新別恨西陵松柏

舊同心一番生受到而今

余舊有菊莊詞。爲吳孝廉漢槎在甯古塔寄至朝鮮。有東國會甯都護府記官仇元吉題。余詞云中朝寄得菊莊詞。讀罷煙篋照海湄。北宋風流何處是。一聲鐵笛起相思。故阮亭先生有新傳春雪詠。蠻徽繡弓衣之句。益都相國馮公有記載三長矜虎觀。風流一調動雞林之句。皆一時實錄也。同時有以成容若側帽詞。顧梁汾彈指詞寄朝鮮者。朝鮮人有誰料曉風殘月後。而今重見柳屯田句。惜全首不傳。



# 南州草堂詞話卷中

壬子元宵吳荆西之紀沈龍門永令合樂玉樹堂名士勝流無不畢集花燈火樹稱爲極盛校書芳蓀雲  
閒人色藝獨絕時微雨無月羣呼曰嫦娥何在耶吳玉川鏘笑曰咫尺雲閒何云不見遂闕畫堂春一闋  
云佳節嫦娥不放閒只看燈影團圓更闌薄醉躡雙鬢無限屏山妒煞一天風雨玉簫錦瑟生寒清光咫  
尺在雲閒倚徧欄干席上有老樂工沈遂譜入管絃卽爲歌唱極歡而罷其詞傳播揚州宗定九元鼎刻  
之花鈿集中

浙中查伊璜妙解音律其家姬柔些尤擅絕一時廣陵汪舍人蛟門製春風袅娜遣查君兼贈柔些云看  
先生老矣兀自風流圍翠袖昵紅樓羨香山攜得小蠻樊素玉簫金管到處遨遊舞愛前溪歌憐子夜看  
曲娘還數阿牙戲罷更教彈絕調甌觥端坐撥篴篥新製南唐院本衣冠巾幘抵多少優孟春秋拖六幅  
掩雙鉤英雄意態兒女嬌羞燈下紅兒真堪消恨花前碧玉耐可忘憂是鄉足老任悠悠世事欄羊作尉  
屠狗封侯同郡小香居士宗定九和云憶年前度曲無限嬌愁花未放蕊還羞有洞簫聲按酒濃春蕩無  
端牽惹情緒難由袅娜衣裳六朝宮樣傾國傾城看阿柔我慕香山白居易也曾絃管識荊州此日汪郎  
才子新詞填就問端委十二層樓珠線繞玉雕鏤燈前席上巫水江頭鴛鴦合桃昔憐將熟兔團月桂今  
勝如鉤伊人信美况西園公子英雄曠達寄興篴篥後觀二詞可以知柔些風度矣

吳玉川夫人龐小畹薰繡詩詞書法擅絕當世片紙隻字莫不珍惜有青蓮女伎小青者色藝皆精嘗演劇復復堂持扇叩唾香閣乞書夫人卽調絃枝香一闕有浪萍飛絮前生果別是傷心一小青之句一時傳誦青亦憮然自失遂有意脫籍

沈素嘉葉薰綉女歸中表葉學山居與龐小畹比鄰後移居汾湖有寄吳夫人小畹點絳脣曰隔箇牆頭幾番同聽黃昏雨別來情緒向北看春樹一院藤花底是臨書處遠記取綠窗朱戶裊裊茶烟縷小畹次韻云十載芳鄰自憐一別還如雨看雲愁緒隔箇江天樹佳句會題小楷紅箋處頻看取相思何限一瞬情千縷

長沙女子王素音有可憐魂魄無歸處應向枝頭化杜鵑之句辭旨酸楚王司州士正用其意作減字木蘭花弔之云離愁滿眼日落長沙秋色遠湘竹湘花腸斷南雲是妾家掩啼空驛魂化杜鵑無氣力鄉思難裁楚女樓空楚雁來

桐城方太史納姬合肥隄中丞賦燭影搖紅催妝詞詞既纖穠序尤綺麗今載香嚴集中序云何來才子自負多情選豔花叢既眼苛于冀北效顰桃李空夢遶于江南無處尋愁歌燕市酒人之曲有官割肉慳金門少婦之緣願得一心合爲雙璧今且窮搜粉譜恰遇麗姝綰髻相思能誦義山之句投珠未嫁欣挑客座之琴眉黛若遠山臉際若芙蓉風流放誕驚絕世之佳人玉釵挂臣冠羅袖拂臣衣微笑遷延快上國之公子錦茵角枕良夜未央白雪幽蘭新慵方洽兼以花杵月拍竝是慧心璧版烏絲時呈纖手奉玉

堂之紅藥。比金屋之奇姿。可謂勝絕一時。風華千載者矣。昔宋玉口多微詞。自詡溫柔之祖。而其告楚王曰。天下之美。無如臣里。臣里無如東家之子。嘻。何隘也。燕趙多佳。夙驚名貴。文鷲擇棲。未肯匹凡鳥耳。豈必聽子夜于吳趨。載莫愁于烟艇。乃稱雅合哉。詞云。一揖芙蓉。閒情亂似春雲。髮凌波背立笑無聲。學見生人怯。此夕歡娛幾許。喚新妝伴。羞淺答。算來好夢。總爲今番。被他猜殺。宛轉菱花。眉峰小映。紅潮發。香肩生就。靠檀郎。睡起還凭榻。記取同心帶子。雙雙綰。輕綰尺八。畫樓南畔。有分鴛鴦。預憑錦札。青兒者。楊中丞家妓也。適毗陵董氏。爲青衣婦。嗟哉憔悴矣。猶記旗亭舊曲。一日。文友宴客。因索清歌。青兒掩抑自傷。遷延不出。促之至再。始發聲。其音瑟瑟。似在潯陽江上時。文友賦愁春未醒。一闕以傷之。詞云。千金不惜。歌舞教成。似燕離巢後。呢喃猶作。畫梁聲。自分年逾。絃索笙簫。讓後生。今宵何事。重聞呼喚。幾度如醒。欲奏清音。花檀乍拍。淚已盈盈。幸得非牙郎。買絹不受伊輕。但覺歌餘。蘆花楓葉。滿中庭。最堪憐。是卿猶旣嫁。我未成名。陽羨生和青兒曲云。檀槽尙撥。仙幃初成。似沙場老將。醉來偏喜。楚歌聲。隔著屏風。舊恨新愁。指下生。當年此際。額黃嬌暈。紅粉羞醒。樂府嬌嬈。從來屬董。何必盈盈。但越公朱門何在。玉瘦花輕。分付歌奴。休將臨本笑黃筵。須知一樣。悞卿絕世老。我虛名。二詞成。座客聞之。都不樂。羅江東云。我未成名。卿未嫁。可能俱是不如人。紅粉飄零。才人老大。安能無杜秋之悲。江州之泣也。尤悔菴云。僕嘗客恆山。梁司徒公出家伎佐酒。僕于座上。演清平調雜劇。卽令小鬟歌之。公賦菩薩蠻詞云。樽前若個歌金縷。盈盈十五芳。如許笑鬢半含羞。驕憨不解愁。眉痕青尙淺。秋水雙眸。剪何處。耐人思。歌停掩袖時。



座客爭爲傳唱。極歡而罷。

梁司徒。俊有名文玉者。最姝麗。嘗裝淮陰侯故事。梅菴于席上。調南鄉子詞贈之云。珠箔舞蠻。幃淺立。豔  
穠宛轉歌。忽換猩袍紅燭。黯黯科錦。繖將軍。小黛蛾。鬢髮尙盤螺。一辨絲鞭。燕尾拖。爲待情人親解取。誰  
何春草。江南細馬。馱蓋。管女未字者。髻後垂垂。解辨則。減瓜矣。司徒見詞大喜。命文玉酌。巨羅再拜以獻。  
盡醉而歸。

王肯庭司馬張伎設讌。棠村梁公賦春風曼娜云。喜良宵烟月。依舊清平。花市暖。晚風輕。有尙書好客。堂  
開簾捲。故人歡笑。妝點春城。百寶珠輪。九枝青玉。絳燭高烧。列畫屏。琥珀光浮。千日酒。赤瑛盤薦。五侯鯖。  
誰把燕山舊事。移宮換羽。倩優孟譜入新聲。紅牙串。紫鸞笙。歌喉未歇。客欲沾纓。夢裏功勳。休嗟陳蹟。眼  
前杯酌。且盡平生。種槐庭院。看年年無恙。紅燈綠醕。快聚良朋。時華堂竹肉閒發。聽歌者唱。至看年年無  
恙。紅燈綠醕。快聚良朋之句。舉座起舞。

汪鈍翁題梁曰緝江村讀書圖云。鄆陵野色平於掌。也有江南此景無。王阮亭見之。呵曰。吳子輩乃爾輕  
薄。汪笑曰。行當及君矣。因續嘲阮亭所題云。彷彿春江綠樹陰。幾回展卷幾沈吟。江南於汝關何事。賦得  
愁心爾許深。汪固輕薄。然余嘗見陽羨陳崑望江南數闕。風景情事。如畫讀之。不得不令人轉憶江南樂  
也。詞云。江南憶。憶得上元時。人闌南。唐金葉子。街飛北宋鬧蛾兒。此夜不勝思。江南憶。最憶善和坊。猿臂  
醉擊劉白墮。鸞喉嬌唱小秦王。花月去堂堂。江南憶。少小住長洲。夜火千家紅杏幙。春衫十里綠楊樓。頭